

caret: omnino superiori id est: uniuersaliori contingit interdum eius falsificari iudicia eo quod sibi non precauet ab hiis quæ ipsum precauere oportet. simpliciter namque dicendum est iudicia uniuersalia disturbare particularia octo modis de quibus unum notificabo nunc: quoniam legem nostram o fidelis hic iudeus comprobat quia si natus fuerit iudeus: & uiderit astrologus in adequatione stellarum natiuitatis eius quod ipse debet esse rex: non est rectum sic iudicare. complexio. n. magna saturni & iouis denotauit gentem iudeorum captiuam & sine regno ita quod uis hec particularis non debet: nec potest uniuersale illud disturbare: cum ergo ablatum sit sceptrum de iuda: uenit ergo qui mittendus erat. F. Recte potest syllogizari contra iudeos: ex hoc illorum dicto non auferretur sceptrum de iuda: donec ueniat qui mittendus est. sed ablatum est sceptrum per te ergo &cæ. Astro.

Vide ergo fidelis astrorum scientiam & utilem sed iste neque uniuersalia nec particularia istius scientie habuit credens communia hec ita semper distinguere per particularia: id est propria sicut dicit mobilia regi & duci per firma: ac celum moueri per aliud firmius celum: quia sic esset processus in infinitum quicquid. n. mouetur ab alio mouetur: ideo datur primum mouens stabile & firmum prima causa: non celum: quo fit ut res casu non contingant: quare ergo uirtus hec uel ratio seminaria in primo parte eadem non remansit quando quidem adam rubeus ex sua ratione propria seminaria non omnes sequentes rubeos generauit ut reliqua omittamus: cur ergo & in ethyopia nigros in germania albos ex primo semine? cur & in figuris dissimiles natos generauit nisi ut recte Plotinus tunc memor ueritatis differuit uariatis. s. superno motu figuris apud nos uariatur & formæ. F. Postremo de comistione radiorum stellarum arguit astronomos. Astro.

Ita certe fingens eos ita comiscere radios stellarum: sicut & liquores: ut habeant quid puerile repræhendere: quæ deliramenta potius contra ueritatem sunt uel indignatio quedam contra scientiæ huius professores quæ quod aliquid sui dignum ostendant: uel interpretentur: cum non potuerint dicta illorum capere: neque motus celestes cognouisse satis ostendit in multis supradictis dubiis: deinde nesciuit quid eligere deberet. ex præmissis concludebat omnia a celo fieri ex istis dicta astrologorum in isagogicis ratio